



Jun 25, 2021

Adoijja MPS Cómaj,

Giyóide bosór ot oñnorar hémayot ar cohóze boni soligiyóde etólla oñnora fótti ekzon ore cúkuriya zanaito sáir. Aba biaram or hámica-tobdil óde haálot ólore añára mani sólli, ar añára ek moksót ore dil ot ráki kaamiyab ot fóñssi: añárar eskuilla fuwaindor zorurot ókkol furagora. Añárar 2020-21 eskul bosór ore waazé góijje dé [recap video](#) íyan or moza fáibólla ekkénagori cómoi baáirgoro.

Añi 2021-22 eskul bosór or baabote kessú zoruri ápdhéith ókkol cíyar goitto sáir.

MPS eskuls beggin háfta ye fáñs din gori manúic házir ói kelass goribólla kula tákibou. Eskul bíldíng ókkol páblík ólla kúla tákibou, ar fémeli óle bizít góitto thaim faibólla eskul ofís loi zukazuk gorónsa. Tarár fuwain dólla onlain fóra sóbse bala mone gorédde fémeli ólolla onlain program sálu tákibou. Julai mac óttu cúrugori, onlain program ólla hói ráikkéde fémeli ólottu aró súwal-sal or juwab fáibolla fúngoriyóre nam golaibor karwayi solai zaibou.

Agor dhóilla, MPS ore duwa keledhar loi solaibou. Háí eskul, ekéla midhél eskul, ar K-12 eskul ókkol ore Soóre Cúrur Kelendhar (Early Start Calendar) mozin solaibou. Elementhari eskul ar onlain program ókkol ore Rosómi Kelendhar (Traditional Calendar) mozin solaibou.

Fóttin bíldíng, eskul, ar bás okkol ot múk záfani fíñda MPS or niyóm tákibou. Baáire yáto ekéla hána ba fáni hábiccót múk záfani zorurot nói. Bíldíng ot tákar cómot, eskuilla fuwain ar estháff óle jisimi tin fúth dure tákibou, ar fótti kelassrúm óddo aám eríya ólot úggwa HEPA fíltar tákibou. Hárr bíldíng ot ezafá foríckar goróiya estháff tákibou, ar becí-dóra zade zaga ókkol ore fura din thaim thaim foríckar goribou.

Kéladula tákibou de íyan añára kúcir sáte zanáir. Hai eskul cíthal or kéladular rejísthrecén ehón solér. Baáire kéladulat córik óiboude eskuilla fuwain ólottu múk záfani fíñda zorurot nói. Bútore kéladula góirbólla, kélibíccot múk záfani zorurot nóileyo oinno thaim ot múk záfani zorurot óibou (mesál, bénc ot boi tákar cómot) Hai eskul or eskuilla fuwain ólottu zodi cíthal or kéladula goribar ícca tákile háamaha onlain ot rejísthar gora foribou eçe <https://bit.ly/3xUdna2>.



**MILWAUKEE**  
PUBLIC SCHOOLS

Eskul program ókkolor age ar fore, eskul or Cómaji Laáníng Senthár (Community Learning Centers (CLCs)) ar Milwaukee Kélar Kém (Milwaukee Recreation camps) ar Héfazoti Zaga (Safe Places) ókkol kélibólla kúla tákibou. Thaime thaima maalamat ore ápdheith goribou eçe [Milwaukee Recreation Before- and After-School Care web page.](#)

Enteha héfazot ar taasir goréde KOVÍDH-19 véksin ókkol boc 12 bosór óite aro boc óla fóttizon ólla faa zaibou. Oñnor fémelir 12 bosór or uoror membór béggín ore véksin mari loibólla añára hóisela dir. Véksin or baabote aró maalamat ólla, bízit goró [Milwaukee Health Department COVID-19 web page.](#)

Éi cíthal é héfazot or sáte kelassrúm ólot firi áiboude íyan eskuilla fuwain, fémeli, ar estháff ólore etminan rákito sáir. Dhésthik ottu fura sámar ot lagatar ápdheith ókkol cíiyar goribou. Meérbanigori ápdheith ókkol zanibólla dhésthik ar eskul or wébsáith, soucél midhía, email, ar meséij ókkol ot sóuk rákiyo.

Síthal ibat fótti ekzon ore eskul ot áite estekbal goribólla áca gorír.

Dil or Sáte,

Dr. Keith P. Posley  
Eskul ólor Mudír (Superintendent of Schools)